

րեղ աւաղերէց Հայրապետանոցին: Եւ յետ բազում խնդիր լինելոյ, ժողով չըջակայ եպիսկոպոսաց զիջաւ 'ի խնդիր ժողովրդեան եւ ընտրեաց զԿիւրեղ իրրեւ արժանի ժառանգ այնր աթոռոյ, որում հաւան գտան առ հասարակ ամենեքեան:

Քանզի երանելին Կիւրեղ՝ որ յառաջն զգուշութիւն իմն ցուցանէր 'ի կշտամբել զհերձուածս ժամանակին, յետ նստելոյ յաթոռ հայրապետութեան՝ առաւել համարձակ և անպատրուակ յանդիմանէր և յաղթահարէր զնոսա, և զբազումս 'ի մոլորելոց դարձուցանէր 'ի ճշմարիտ հաւատոս ուղղափառութեան:

Եւ յաւել Տէր շնորհել Ս. Հայրապետին Կիւրղի լինել Հայր բաղմութեան նոր հաւատացելոց 'ի ձեռն աշխարհաքարող սքանչելեաց երեւման Սրբոյ Խաչին յերուսաղէմ: Քանզի յառաջնում ամի անդ հայրապետութեան նորա, կամ 'ի սկիզբն երկրորդին (351 կամ 352) յեօթներորդ աւուր ամսեանն Մայիսի յերրորդ ժամու աւուրն՝ երեւեցաւ յերկինս Խաչ մեծ հրաշալի լուսեղէն, որ յաղթէր պայծառութեամբ ճառագայթից արեգական տարածեալ 'ի վերայ սրբոյ լերինն Գողգոթայի, եւ ձգեալ մինչեւ 'ի լեառն Զիթենեաց, գեղեցիկ եւ սքանչելի յոյժ պատեալ չուրջանակի պսակածեւ նշուլիւք իրրեւ զծիածան: Գլորդեցաւ քաղաքն ամենայն և հիացեալ կային ընդ սքանչելի տեսիլ Սրբոյ Խաչին: Եւ ապա ամենայն բաղմութիւն տեսողաց ընթացան յեկեղեցին և բազումք յանհաւատից եկին 'ի հաւատոս Քրիստոսի, և հրահանգեալ 'ի սրբոյն Կիւրղէ մկրտեցան 'ի նմանէ և 'ի պաշտօնէից նորա: Աւաղանն յոր մկրտեաց Ս. Կիւրեղ զբաղմութիւն նորադարձ հաւատացելոց, պահի աւանդութեամբ 'ի տաճարի Ս. Յակոբայ զկնի ժամանակաց բերեալ 'ի Սիօնէ, և եդեալ կայ 'ի ներքոյ սեղանի նուիրեալ յանուն Ս. Կիւրղի:

Իսկ Ս. Հայրապետն Կիւրեղ ականատես վկայ սքանչելեացն՝ փութացաւ գրեաց գիր առ Կոստանդինոս կայսր, քարոզելով զմեծութիւն ահաւոր հրաշիցն, կոչելով զնա Աստուածատէր և բարեպաշտ, թէ և գիտէր զնա գոլ աբիոսական: Այս թուղթ Ս. Կիւրղի վերժանի յեկեղեցիս Հայոց յաւուր տօնի երեւման Խաչի: